

四庫全書

集部

欽定四庫全書

御製詩初集卷十七

古今體九十九首

癸亥六

過蒙古諸部落

葦室擅廬儘可居
羊膏酥粥美何如
生來未解機關巧
渾噩猶存太古初

識路牛羊不用牽
下來羣飲碧溪泉
兒童騎馬尋亡牯
只在東溝西谷邊

咿啞知是過牛車學種嘉禾蔓不鋤看牧獨迴歌勅勒
射生雙獲笑軒渠

白草黃榆雁塞寒寂欣初日上槍竿坂萋原芷紛舍露
名目嵇舍欲狀難

三冬九夏一身裘遊牧常隨清淺流羊舛馬通生意好
緩歌獨漉不知愁

小兒五歲會騎駝乳餅為糧樂則那忽落輕莎翻得意
揶揄學父舞天魔

獵罷歸來婦子圍露沾秋草鹿初肥折楊共炙傾渾脫
醉赴孤鴻馬上飛

熱

塞景渾無定午暄曉暮涼甫欣過嶺背便覺畏曦光看
樹全餘綠馳莎半染黃今年芻牧好共喜未沾霜

八月朔日作

形勝行行攬年芳歷歷收關山連北塞雲物近中秋輻
輳來諸部逶迤駕六虬近光陪後乘輸悃導前旂覩此

瞻依切寧予德澤流鴻猷思

祖業燕翼逮孫謀更喜隨

慈輦無妨視膳羞筵開親捧爵津渡手扶輶丙夜封章
覽良辰藻思抽詞臣隨豹尾壯士擁旄頭人帶秋陽色
衣霑湛露浮鄩京佳氣繞指日謁

珠丘

聞近京一帶得雨喜而有作

行旅慮久霖跋涉沾塗泥南畝種麥人方望秋雨滋自

我始于後二旬已有奇未遭滂沱苦率遇晴霽宜豈不
利輜重中心有所思思彼隴畝間來牟正其時亢暘土
脈乾耰鋤將安施忽覽封章奏膏澤自天垂四郊一犁
雨雨公還及私良農既不悞塞路仍如茲雨暘各適可
孰非大造貽懸懸差已慰芄芄猶可期廻鑿歷綠疇應
有喜農詩

即事

輕輿緩過叢榆路晚煙濛濛迷白露荆籬土室學荒村

爽籟寒風叫枯樹樹旁迤邐獵騎過驚起爰爰樹根兔
壯士未及彎烏號深巷已見歇驕怒三窟乍失遭奮噬
犬主持獻迎鸞輅還兔更命賜白金憐伊芹曝心殷注
幾見韋韞毳幕人似此輸忱實可賦

新月

節近中秋且未中生西已見半開弓一天素彩誰能賦
萬里寒光訝許同為問龍垆吟皎潔何殊松閣寫朦朧
前年塞景依然在不信流陰類轉蓬

鴈

去歲畿南人送鴈今年塞北鴈迎人
因知此地寒常早却比他秋景倍新
暖月有情驚客枕衝煙無意戀霜津
衡陽故國三千里底事勞勞來往頻

賜塔爾岱

奔走戎臣職憐伊老更懸旌門仍扈蹕
冊府久書勲但識旗堪奪那知筆可耘
成詩還譯告兩字表忠勤

觀教漢瀑布水

我聞奧區天所秘疑信向半今信然浩浩萬里沙漠塞
乃有瀑水崇岡懸車塵方苦紛塌益密開壺裏別有天
侵尋峰岫羅嘉樹漸潤澗谷無埃烟是時仲秋曝晶日
忽聞雷聲殷前川坐令林巒失輕籟朗吟清眺萬慮蠲
大者明珠小者璣如傾栲栳投深淵虎狼駭走不敢飲
下疑千載蒼龍眠巨石橫斷無土壤粵生美箭竒而堅
山葉紅綠如錯繡無名野卉相新鮮鸛鵠徘徊不忍去
鼉鼉時向虬枝穿禹鑿龍門未至此胡乃三級限鱗鱓

蒙古相傳瀑水以下鱗類甚夥而以上絕無亦甚奇云
吁嘻泉石誠觀止賞咏自
我羌誰先匡廬香爐無足喻山靈占此永不遷設置飛
觴擗管地混沌竅鑿應難全

朕恭謁

祖陵至敖漢觀此巖懸水跳珠琮琤蒙古遊牧地所少
也因名此水為玉瀑而繫以詩

崇椒列巘點丹楓樹色煙容綠間紅始信人間無玉闕
水晶簾內水晶宮

却笑拘墟李謫仙
佳廬當日便茫然
飛流詎止三千尺
絕勝銀河落九天

沈沈碧潭毛髮寒
琮琤不斷仙佩珊
渾如白傅歌中句
大珠小珠落玉盤

清漈縈廻受復斟
忘筌坐對可觀音
何須隱約求絃指
已寫成連山水心

玉名名瀑玉誰名
名相由来總現成
逝者如斯來不舍
長懷尼父在川情

教漢捕魚

一水帶龍岡，三秋理釣航。
蒹葭颯颯寒，渚鷗鷺貌。
江鄉樂事，漁同獵，嘉魚鱣共鱠。
便途資衆餉，莫漫比如棠。

玉鏡澄秋浦，林巒入照佳。
不網仁未逮，結網念常懷。
獻獲甘誰後，頌恩與衆偕。
鳴榔歌快豫，齊泊白雲涯。

夜雨

塞山能作雲峰頭，幾縷布有滄。
始萋萋如絲，肖霏霧數日。
苦塵埒喜此甘膏，澍濕潤忽被野。
延綿乃入暮，牧馬

聲漸息啼蛩乍如訴歌枕聽浙瀝曠懷良可賦丙夜漏
點闌微見星河露明朝發征鞍清切秋煙路

咏掛餅中花

清秋野卉紛榮謝不知其名愛其姤迎風粲粲笑鬢開
晞陽湛湛露珠化我非騷人亦寡芳掛餅貯之羶惟舍
渾似春園桃李朝那知鴈塞星霜夜只少琵琶一曲彈
玉鞍紅頰明妃嫁

弦月

塞天懸半鏡西嶺迂流蟾鳥道微
茫辨霜華取次添近
河光漸隱入樹影猶纖不必遲眠
愛清吟意亦快

野流

野流西去復東來日日鳴鞭渡幾回
照水汀花紅爛漫
試霜江草綠髮鬢匪同洛浦當年
遇用盡陳王八斗才
極目烟波方浩渺然疑源在白雲隈

射雁

彎弓射雁行雁落弓猶滿無能笑
虞人底事高張罟

聞

日往月來運不已寒暑遞催羌誰始屈信相感本無心
索簷萬物孰愈此自我東行今月餘塞程正值清秋美
朝逐原獸控青驄夜覽封章蘭燄紫行過村落詠桑麻
時坐溪頭捕魴鯉分棚較射燕嘉賓更復行宮視甘旨
旁人云我身已勞我覺我心甚安止設使憧憧復搖搖
九重宴坐豈其是窮神至化我未能且學鄭崇心似水

夕

牧馬已斂羣行人率止頓萬幕旌幟別傍晚各歸赴山
靄送寒來陸露猶餘潤懷抱既已適翰墨差堪論去歲
松梢月依舊窓間印

兩江總督尹繼善摺奏淮揚秋禾有收喜而有作
淮水歲為災饑饉苦已久墊居鵠面人安得飽升斗死
別妻哭夫生離兒牽母言念民何辜致此皆予咎大臣
屢命往庶吏胥奔走帑金曾莫惜救荒惶恤後稍幸室
家完三春興耜耦金隄期永固疏濬利容受凡此人力

施經營曷敢苟尤賴天澤垂余忱能格否頃擘奏書囊
喜值嘉禾有公田多種穗膏壤鮮稂莠稍濟菜色民老
弱可餬口寰區皆赤子普熟豈易偶災餘得免飢南望
頻額手多稼敢即侈一誠矢常守

鏡

滿月光明秋水流共人歡喜共人愁塞山磧草歸清照
個裏曾無一點留

日日曲

日日復日日夏去而秋來叶少壯弗努力老大將何為
日日復日日閱世如行程佺羨者烏有即此是長生
日日復日日為治亦已難臨淵不結網得魚知何年

暮雨朝晴

暮雨朝晴不悞行程朝晴暮雨有益禾黍天地之大人
猶憾所欲必得羌何厭君不見得隴望蜀疇能免甌破
不顧人應鮮

八月十四日陰

璇霄桂魄欲圓時乍見鱗空天幕垂為恐多人動秋思
不教流影白榆枝

谷風初息嶺雲橫玉靄朦朧半掩晴不道豐隆偏解妬
纖阿也讓十分明

碧空月御似遲留觸撥詩腸塞景收明日冰輪應滿放
一年能得幾中秋

科爾沁歸化窳久世結姻盟今過其扎薩克見王
公以至與隸咸傾心效順出於至誠實可嘉也

思齊思媚久興周帶礪山河

惠澤流毳幕韋鞞經部落金風玉露正清秋
扼吭北鄙九泥固獻壽南山竿醴浮愧我無能協萬國
惟應兢業奉

前猷

中秋夜晴

只道姮娥太嬾生却欣今夜倍晶明
光涵朔塞渾無際影照征人似有情
歷歷白榆銀界迥寥寥碧宇玉河橫

摩雲何用勞雙手雲到中秋纈彩晴

中秋日侍

皇太后宴

月到今宵滿秋當此日中佳筵開虎帳皓魄麗璇空歡
賞陪

王母關山入桂宮舒華冷坂露弄影盪林風午夜蟾應
冷千年鏡早龍持將對

慈壽輝映一般同

風

龍沙作噫氣清路復鳴空不借山靈勢安知屏翳功東
南應識巽戊己已屯蓬迎驟難誇馬催飛越迅鴻聲喧
馳道畔興發翠華中獵獵聆何已搖搖望豈窮孔懷君
子德敢恃大王雄為問歐生賦何如舜帝桐

靜夜讀書

虎帳無多暇書林趣轉嘉研精當夜靜息慮忘塵譁別
是中秋景依然舊月華陳編同汲綆精義喻披沙燄結

銀檠燭香生玉椀茶何須吟出塞四海久為家

曉行

白露為霜猶帶露和霜和露濕濛濛秋煙忽捲金支燦

朗照扶桑日御紅

馬蹄踏曉不須催得得竿尖日上來誰學坡翁續殘夢
無邊塞景待吟裁

即景

雁知塞冷依南寫馬為風高向北吟注出義經真易簡

分明天地聖人心

野村二首

野村臨水復依山，鹿柴蝸居鎮日間。
婦女溪頭浣衣出，兒童牛背唱歌還。
年年黍隴常遺種，夜夜柴扉不掩關。
更喜秋來羊酪美，笊成新釀共酡顏。

河橋迤邐接旗亭，八月霜遲草色青。
黍圃豈場今樂土，黃沙白骨古嚴垆。
看餘畫幃何曾捲，興至吟鞭輒為停。
試問從來小隱客，幾人不負草堂靈。

詠盤中佛手

閩南塞北地非隔秋實春華體不分無定相中常定相
旃檀風繞吉祥雲

曉月

中秋今已度圓輪日就缺東岡出縱遲西宇明猶潔流
光利征人弄影宜素節林風驚雀眠冷露泣蘅埒荒原
乏晨鷄舊頓行行別車馬何蕭蕭巒岫爭截薛如遊廣
寒界桂華隨意擷

馬上行

行行踏年華夏遠秋亦半
流陰將塞山日逐當前換
歸雁帶溪烟寒蟬辭宿榦
野葩紫丁星試霜尚明粲
徘徊拂吟鞭聊共金風判

聞蛩

我從御園來蛩聲方唧唧
昨過塞中山鳴秋已早息
是地候轉煖陰蟲猶鼓翼
喧默本無常苑枯曷有極
忽如讀豳風在宇節堪識

見山

漠中無崇巒沙岡率平坦綠蓋乏松柏白穗多蘆葑如

是經破旬詩情因亦短行行近吉林

吉林烏拉盛
京東北界

碧柳

山名目前宛嵐煙接匪遙山翠來自遠紅葉與青枝點綴

高低巘壁言遊滄海中波天一望滿依稀見數峰知是蓬

萊苑

至克爾素河奉天官兵來接

馬蹄漸盡諸藩地人語饒聞故土音誰道西賓異東主

可知徃古遜來今
滄溟浩渺源流遠
長白龍從霧靄深
此日干城爭扈蹕
百年休養塵予心

駐蹕吉林境望叩長白山

吉林真吉林
長白鬱嶽峯
作鎮曾聞古
鍾祥亦匪今
邠岐經處遠
雲霧望中深
天作心常憶
明禋志倍欽

九月朔日作

千峰萬葉碧雲浮
早是風光逼九秋
黑水白山多王氣
三韓百濟舊神州
橫汾遊豫非同漢
宴鎬安舒却比周

故國耆民羣望幸宥教恩澤尚遲留

雨

登程兩月未經雨說與旁人信實難疑是山靈全宿約
故教霖霖灑征鞍

半夜羶廬亂點纖曉來微覺峭寒添白雲戀岫風偏散
露出青青幾筍尖

低山作雨高山雪靈境從來得自由為語長年佔畢客
可能一例論春秋

莫愁跋涉困泥塗，軟淨莎茵十里鋪。
谷口今朝移頓近，緣溪閒射拍飛鳧。

秋蒐雜紀詩五首

歲長九月有青蕪，共道常年似此無。

盛京早寒，今歲過閏，猶暖，誠異事也。

霧斂馬頭山，逼面霜凝谷口樹。
粘鬚射熊何慮先，升木待兔焉勞更守株。
赴羽林羣命中，談談却笑紀昌弧。
長白遙看數點青，雞翹五色韻旗鈴。
騰驤八駿來天廡，環拱羣峰據地靈。
黃豔鸞兒新剪褶，綠輝孔雀側拖翎。

朝家武備千秋獨太僕空傳效展軫

峰標木葉鬱崔嵬水漲松花淨
洄萬騎雲屯隨豹尾
三秋風景異龍堆周詩底用誇麋友
晉賦無勞藉雉媒
更剪銀絜吟七字屬車賡和有鄒枚

連雲峰影自婆娑雨後新看
蠹黛螺黃幄背風依樹幃
朱旌面日出巖阿合圍麋鹿愁
飛羽出隊狐狸駭獵獬
薄暮旌門鏡吹奏海青雲裏捉天鷲

曲名旌門鼓
吹常奏此

虎韞駢弓越勁秋平岡草淺
騁驂駟雁行狗監牽絲鞵

馬上鷹師臂繡鞞風漾鈴聲金替戾雪開峰面玉雕鏤
批麻丙夜斟民事詎為從禽暫解憂

晴

疾雷驅雨去爽籟送晴來極目川原潤烟蕪淨點埃
高峰全露日低峰半掩雲片刻陰晴各天公巧畫分
立馬待開霽殘絲霏細霧忽捲米顛圖却咏杜陵句
園中逐白麋天上馳蒼狗何愁陸渾燒却沐先生柳
潤逼綠嶠嶢高空一望遙山靈驅霧轂去謁九天朝

爽氣拂鞍生暄陽乍放晴淺黃並深紫豔射一川明
簇簇萬芙蓉含烟翠正濃不經新洗濯詎肯露真容

今年奉天各縣有收喜而有作

遍野黃雲尚作堆翠華行處鮮汙菜東瀍西澗歌農慶
猶想當年即有郟

風

振壑復鳴柯子喁唱和多古聞周帝誥今見漢皇歌陡
澗泉吟瑟平岡草偃波方慚符五日敢道致中和

古木謠

穹谷大山鬱且盤
元黃初判想即有其中萬木不記年
高排楓栢低榆柳
女夷不敢司榮枯
嵇含遑得狀妍醜
豈謂世間梁棟材
愛作山中麋鹿藪
墓門有斧斯不得將
謂堪同天不朽
一朝劫火起陸渾
菁葱乍作薪與榘
我聞莊生號齊物
拘墟尚稱山木壽
何如隨興適吟懷
滄桑一任雙丸走

駐蹕楊河作

久行望止頓稍藉息勞肩倘教過信宿復懼遲歸鞭即
如雨與暘而人猶憾天誰能無過望與彼相周旋

新月

忘憂鏡與釣詩鈞西宇哉生光漸流誰謂坐叅蕪倚咏
行營忽已度三秋

流光不隱萬峰尖虎帳拈吟興倍添寂是綠鬟新沐後
如何鏡影未開奩

夜雪烹茶偶作

千峰密雨寒凝雪豐隆化柄滕六竊和仲清光作趙衰
愛而不見歸西碣油雲入暮暗嶺樹離離落落霏瓊屑
多人差不困泥塗一廬適可玩清切方珪圓璧藉白茅
掬之豈慮羊脂裂品泉詎必珍六一天然天露殊甘潔
行鐺猶比商鼎勝魚眼火候分明閱武夷汲黯本愛慙
水濱陸羽應慙拙催詩何用速置郵清風使者能饒舌
彷彿丁年書室中漉雪浮香吟几列

雪中山行

蘊玉山含輝玉蘊山尤秀屏風無斧痕面面遙相就
天和樹色蒼不知山路長如遊白玉京觸目皆琳瑯
低巘日已漏高嶺雲猶罩妙筆非董源誰寫山靈貌

九日登高

虎韞駢弓右錦鞬登高聊爾效風流茱萸底用斜簪鬢
原隰方欣盡入眸露浥天漿傾菊酒松張雲幔敞書樓
興來擬問商飈會咫尺琅霄也到不

重陽漫興

詩情樹色與山光
楓葉通紅槲葉黃
何必萸囊將菊酒
興來隨地度重陽

每嗤夢得諱題糕
豈學籬邊獨醉陶
今日山中過九日
反教無地可登高

離離野菊露華浮
木葉峰姿淨九秋
千古登高人幾許
孟嘉何事獨風流

地近扶桑海日騰
千峰曉翠罨峻嶒
崇高每屢因時惕
那更雲山著意登

重陽日侍

皇太后宴

野卉臨風美綺鮮何須金盞與金錢
福凝東海增芝萼酒進南山作菊筵
圓蓋無心常照嫗廣原縱目正芊綿
長承

慈訓銘心所用九時乘倍體乾

登高何用上層樓峰頂低臨萬樹頭
令節恰欣歸沛里當年曾此俯齊州
青螺曉靄迎

仙蹕赤羽金颰獵綵旂
寂愜稱觴無限意
憑將山海為添籌

射虎行

鬱葱萬木森鬱蔽
豁開大澤天
無際朝嵐忽捲
崿峰煙樹色
山光闢蒼翠
初來沛里拜

橋山便塗較獵遵

先制雁行兩翼圍
密合貔旅八旗各
標幟泰平久經息
兵革進退號令習
軍事日未移時肩
已倦他他饒獲麋

虜類乍見白額出林叢
鼻頭出火人思刺期門
飲飛驟驂駟驅之草淺
平川地四圍重排雪鋒
鎗負嶠空憶難迴避
唐弓夏箭出橐韃命中
已決眈眈皆詎與漢將
思爭勇歷艱

祖訓期無愧耳食書生
未目覩橫議涉險鮮防
備我笑羽林備過多壹
發於菟却先斃

對月思唐太宗遠城望
月事即用其韻

隴得復望蜀微去尚存
碣誰能效舜階續紛干
羽綴今

月猶古月千秋何盈缺壯志想當年萋萋煙草結情因
寥宇寄光向踈林滅

秋獮

秋獮因農隙講事古今同由來武備重況在邠與豐我
來拜

鼎湖便途閱軍容桓桓飲飛士一一皆驍雄負嵎手赤
虎失林足蒼熊雁落夏服箭月滿烏號弓奚誇雲夢澤
不數長楊宮霜點廣原白日射灌木紅鞞別三竿殺頑

賜萬夫充維此鷹揚侶當年佐戰攻止戈今宴安敢忘
走馬風

望葉赫舊墟

敬惟我

太祖高皇帝以十三戎甲奮迹於此復雙旛服衆遂成王
業謹賦其事以示來許

寒盟由彼義何甘甲士當時祇十三自是

天心歆

日角幾曾虎旅藉犀函折衝底用稱韓信決策無須聽
耿弇

創業艱辛千古獨垂衣敢恃面臨南

花園

英莪門外獵場中有芍藥二叢雖過花時而柯葉
猶森鬱可觀蓋百年外物也土人因名其地曰花
園經過吟覽因以命題

繇柯泣露華蟠根託山隈我來非花時尚想臨風開迥

異京洛種豈作漆洧才森然二古叢不知何年栽疑是
彼女夷愛此高崔嵬玉手擷雲錦移之自蓬萊野人亦
珍重時時膏壤培護以朱木欄奚懼狼與豺乃知天地
化頗賴人成栽荏苒憶韶華俯仰弄條枚只宜鋪玉牋
安用命金壘

冷

山容留夜雪途景變朝寒莎坂全融白楓林盡墮丹吟
庭無道韞卧地有袁安獨喜占農好來年隔歲看

入英莪門

霓旌搖曳曉曦明故國人人喜氣迎
三月關山征轡遠而今屈指到興京

區分只用柳條邊堪作金湯鞏萬年
不似秦皇關竟海空留遺跡障幽燕

山程野驛日侵尋澗水瀍桑入眺臨
南去盛京知不遠鳳凰樓閣五雲深

靜夜焚香

甲煎何須計乘燒蛟爐小炷篆煙銷
帟牕書案原無異頗有征人怨冷宵

御製詩初集卷十七

欽定四庫全書

御製詩初集卷十八

古今體六十九首

癸亥七

興京

姬室于豳日炎劉起沛時

一人方締造四海遂為基
皇澗猶然在臯門尚可思
屏藩堪示固宮室不言卑
往者爭雄際同歸

出衆姿秋風經故國膏雨遍
新陂父老迎鸞馭材官衛

羽旗初來尤切切欲去更遲遲言念

皇圖纘端維

厚德垂凜乎同馭朽告我後人知

即事

廣陌點霜華山氣日作冷征人盼曉烏偏覺遲東嶺朝
嵐忽豁開千林淡烟景漸聞雞犬鳴知遠沙漠境稊穗
堆圃場煙火富閭井百年休養久烽銷夜無警每懷唐
帝言惕若發深省

謁顯佑宮

翠華臨故里琳宇謁仙宮
疊嶂排雲上遙岑列柱崇
升馨昭

聖敬垂貺仰

圓穹廓我邠岐業貽茲鎬維功有星皆拱北無水不朝
東繩

武顯然念祈

天惕若衷式瞻當太乙俯眺攬龐鴻渺渺承

金匱要略卷十八
堂構乾乾倍省躬

薩爾許

太祖高皇帝以五百人破明數十萬衆實王業之基也
鐵背山頭殲杜松

手麾黃鉞振軍鋒于今四海無征戰留得艱難締造蹤
恭謁

永陵

追王傳前籍

遺麻逮後昆高山瞻彼作德水溯茲源疆理興家室星
辰衛

廟垣幾多瓜瓞感揮淚灑寒原

恭謁

福陵

草昧起英雄

維皇乃眷東風雲龍虎會日月海天中

帝業千年鞏

山陵萬古崇永維無競烈繼序天深衷

恭謁

昭陵

早是天歆漢何曾鹿逐秦百年經五世一壘豈三旬

太室蒸嘗永

元宮松柏新紹庭懷積悃展拜此時申

謁

陵禮畢車駕入盛京得七言排律十四韻

羣山萬壑摠朝東，王氣為龍鎮鬱葱。
白水壽邱名不滅，作豐遷鎬事應同。

當時提劍安黔首，此日垂衣逮藐躬。
延佇關山千里外，每懷瞻拜八年中。
商颺送爽清馳道，疊嶂排青列遠空。
上將隨車金屋穀，名王執轡玉璫瓏。
行宮視膳邀

慈豫故國旋輿仲

祖功只為上

陵思馬鬣豈緣校獵賦，車攻六飛因幸興。
王里百辟咸

朝慶善宮訝許稱觴來故老不教警蹕駭新豐葛燈綃
帳猶餘儉執豕酌匏許獻衷華曜景中鸞扇動若非烟
裏鳴香融孕虞育夏

天心眷篤祐依京

帝謂通萬禩皇清綿寶祚扶桑初日海門紅

謁景佑宮

松陰屏息叩金除廟貌虔瞻色相如天與人歸神自佑
春風秋月殿常虛龍蛇灌瀆蟠橫壁雲霧烟煴寫倒葉

我久無心陳罪福祈年還慶旒維旗

賜奉天將軍額洛圖

留都開幕府撫鎮更旬宣古重維桑地今成秉禮廛扈
陪依豹尾晉謁領鸞聯大樹甘棠並芳聲莫讓前

御崇政殿

碧海曠曠曉日昇金猊風靜瑞烟騰元孫黼屨茲重御
列祖威靈實式憑

六世繼繩惟敬畏百年含煦被黎蒸守成開創何難易

只有憂勤與日增

閱武

久放華山馬重觀
遼海兵由來稱子弟
坐可靖鯢鯨萬
隊風從虎三軍
旭耀旌威聲振地
堦壯氣指天棊
此日雖無戰
當年亦有征
金甌方主鬯
惕若凜持盈

乾隆八年秋朕奉

皇太后恭謁

祖陵還至盛京受朝錫宴夫漢高過沛而歌大風情至

斯動直已陳德况予小子覲揚

光烈能無言之不足而長言之哉爰作世德舞辭十章

章八句

粵昔造清匪人伊

天天女降思長白闈門叶是生我

祖我弗敢名叶迺繼迺承逮我元孫叶一章

元孫累葉維

祖之思我西云來我心東依歷茲故土仰溯

始謀叶皇澗過澗締此丕基二章

於赫

太祖肇命興京哈達輝發數渝厥盟如龍田見有虎風

生戎甲十三王業以興三章

爰度爰遷拓此瀋陽方城周池

太室明堂不寧不靈匪居匪康事異放桀何心底商四章

丕承

太宗允揚前烈倬彼松山明戈耀雪以寡敵衆杵漂流

血惜無故老為余詳說

五章

余來故邦瞻仰

橋山慰我追思夢寐之間崇政清寧載啟南軒華而不

侈鞏哉孔安

六章

維我

祖宗欽

天敬

神執豕酌匏咸秩無文帷幔再張樽俎重陳弗渝弗替

遵我

先民

七章

先民宅茲載色載笑今我來思

聖日俯照爵我周親蓋臣並召亦有嘉賓歡言同樂

叶

八章

懿茲東土允惟天府土厚水深周原膺膺南陽父老於

是道古有登其歌有升其舞

九章

我歌既奏我舞亦陳故家遺俗曷敢弗因渾灑淳休被

於無垠勿替引之告我後人

十章

酹克勤郡王園寢

開國承家日于藩夾輔資一時扶王業四海定丕基懿
德書金匱佳城奠玉卮銀潢天共遠百世篤宗支

酹功臣額亦都墓

坐享八紘泰寧忘百戰功佐周曾有望興漢不徒馮金
簡香生綠椒漿玉瀉紅蓋臣陪祀事式紹乃家風

寶勝寺

金史四庫全書
卷十八
得未周名書獲鼎漢紀年是寺稱實勝其事猶可傳明
兵十三萬水陸數道連志曾期破釜言已侈投鞭弱婦
實懷懼壯士難奪堅

文祖處以暇旋命彭與韓坦然逸待勞乃在松山間破
竹迎及解誰能抗師顏諸路一時敗困獸遇秋畋從此
威天下燕京數往還剏寺肇錫名用以示弗諼我來步
上方晶陽空宇懸百年父老希所聞乃傳言

文廟

我

太宗文皇帝初定大業即尊儒重道擇奠

孔子以四子配並立文館譯書史於翔鳳閣實肇國
家萬年有道之長也

辟雍時尚屬鞮橐過魯空傳祀太牢更步故宮翔鳳閣
彬彬羣彥想分曹

開國佐運動臣武勳王揚古里直義公費英東宏
毅公額亦都墓在

二陵之間松楸相望猶見當日

君臣相得之概感而賦此

摩池麥飯共艱辛想像

當年魚水親何必大風思猛士林林扈蹕有宗臣

望千山

我聞古來稱奧區必有名山為作鎮况茲遠陽實天府
義經已兆帝出震長白巫閭衆所瞻千山亦復高千仞
設在晉郊魯甸間太華泰岱應齊峻我來譙邑攬形勝

南望嶺岼映青潤朝嵐夕靄儼相接巒光峰態如堪引
龍泉祖樾久聞名靈蹟相傳半疑信何時長嘯眺滄海
據盛京通志千山香巖寺中有仙人臺俯瞰滄海如布几席云千仞岡頭衣始振

遼陽懷古

唐宗戰壘久成空管邴曾聞度海東只有千年華表鶴
時看來往白雲中

示盛京留守諸臣

宅洛名惟舊遷邠地豈新維屏思保障體國在安民業

擬苞桑固風期豐芑溥入疆懷有慶述職慰時巡

朝鮮陪臣來接

遼左陪京鞏澗瀍維藩作翰逮朝鮮來賓詎是予誠格
奉朔遐思

祖化宣訝許迎鑿瞻虎衛還教入宴接鴈聯德綏武靖
文皇業萬億斯年護海堧

常寧寺

蘭若靜朝暉苔侵碑篆古泠泠水到堦落落松當戶龍

鱗儼欲張虬枝自撐拄譙邑多古蹟愛此琳宮宇依稀
梵唄聲彷彿天花雨意香叅即離靜室坐久許適然獲
常寧頓忘安心所

恭瞻

太祖高皇帝所貽甲冑

武庫三曾器龍樓十襲緹千年過合甲七屬鄙函犀仰
烈誠天授思艱敢志携雄關為近戶安恃一丸泥

恭瞻

太宗文皇帝所御弧矢

青莖如古直解角到今堅不禁秋霜感遐思寶月懸比

和經

手御似訓作心傳捷伐前猷在居歆總賴

天

昭陵石馬歌

在昔穆王八駿追雲霞耄荒忘返天之涯太乙况漢天
馬來樂府曾聞產渥洼
注勤勞血汗事何有
雌黃徒惹詩

人口不如漢文却受千里駒吉行五十符陽九周家岐
渭始勤農我朝三韓奮跡實彎弓由來受命雖有異艱
難創業多齊蹤

太宗馬上得天下房駟星輝天錫嘏叶大白小白協安

吉

故老云

文皇帝所御也

昭陵前石馬一名大白一名小白蓋

文皇帝體豐而鎧重乘小白

日行百里乘大白

祇能行五十里云

至今立仗

昭陵貽石馬遐思我

祖如唐宗陵園廟踞先後同汗趨嘗傳杜甫句闡揚

光烈千秋隆六御今年來故里貞觀遺蹟餘荒壘

唐壘在廣

寧縣城東南相傳唐太宗征高麗駐兵之所

文皇曾亦討寒盟

謹案

昭陵神功聖德碑云天聰二年以朝鮮毀盟討之拔其都載飛

舸於車凌江華島李侗自縛請為臣釋之還并歸其俘獲

乘此雙龍渡泃水文綏武

服為藩屏萬年正朔奉永清不似李唐東征悔失計仆

碑重建思魏徵

大政殿

臯門聳百尋朶殿鬱森沉國政聞周度

大君想知臨十亭猶列翼一德盡同心文治誠輝古武
功尚烈今用茲貽億葉詎止惜分陰作室西南戶紹庭
志倍欽

故宮詠燭

火傳薪豈盡漏響夜方深照得

當年夕艱難締造心

暮

遼天散暮霞宮樹已棲鴉幾靜思民瘼心怡長道芽圖

書探秘蘊鍾鼎玩清嘉古月照今客新詩詠舊家人言
歸沛里市語似京華不異前秋夕消閒一瀹茶

登鳳凰樓

百尺高臨萬景紛貯歌藏舞陋齊雲漫言此日供詩料
却憶

當年望國氛

締構常思

祖業艱千秋百二鞏河山于今試上高樓望遼水依然

襟帶間

示盛京奉

祀諸宗室

明裡歆一脉奏假訓昭垂水木思源本蒸嘗奉豆彝離

家汝莫念

盛京奉
隆元年始

自京命來者故云

祀諸宗室係乾
與祭我猶虧試

想百年始澗瀍還在茲

再題實勝寺

故老今何在祇園此尚存藉尋禽敵烈總為戴

天恩臨汝心毋貳蠢茲氣已吞戎衣寰海定武器再三

捫是寺恭歲弗能勝

太祖高皇帝所御甲冑數人舉之而太宗文皇帝所貽弓壯士弗能開矢長

四尺餘 仁皇帝亦曾留寶劍云 皇祖聖祖繼序思

皇祖貽麻逮耳孫綿綿瓜有瓞億載水蟠根

敬觀

太宗所御鹿角椅

天然鹿角椅合拱不傾歌製朴

身常泰形端道可思奢懲珊枕伴儉似葛燈遺却憶艱

難際曾無偃息時

故宮侍

皇太后宴

關山瑞擁

大安輿禕翟祥凝慶善居海旭騰輝紅綬璫天漿介祉
玉芙蓉雲依雉尾開雙扇星拱辰垣俯九壚愛日豈忘
沐雨際弼基還塵肆筵餘

賜父老醕

父老居豐沛久蒙煦嫗恩百年今晏安同為泰平人雖
無見知者尚有聞傳言錫宴思

皇祖在此大清門今我來故家匪為騁遊巡三爵循古
典魚兔亦烹豚白金以紱頒百戲良具陳酌酒賜爾飲
爾醉我亦欣還念爾先民曾同百戰勲

故宮覽章奏

黃扉章奏至秉燭覽移時為勅幾康故難辭往復披有
秋方慰意望雪更尋思却想艱辛日紛紛羽檄馳

瓶菊漫賦

數種寒芳獨殿秋
辭叢猶帶露華浮
花磁不異東籬側
摠與詩人解療愁

冷芳迎日尚滋熙
不數徐黃畫裏姿
却似去年重九節
清暉閣畔獨吟時

再登鳳凰樓

馬上逢重九登高已有詩
今朝陟高閣仍是季秋時
把菊作佳節鋪牋揆好辭
次寥天宇寬襟帶河山披依稀

雞犬聲掩映桑麻枝廣陌嘶騎騎朱樓颭酒旗譙邑既
云富何加曰教之寄語彼京兆莫視傳舍為

雨

塞山幾度雪霏霏沛里重吟細雨飛麥壠早欣占歲好

人言羣道帶陽歸

盛京往年早寒九月已有積雪今年則甚煖立冬以後尚兩人咸以為奇

云
閒窻近挹寒芳潤高閣遙聞晝漏稀更喜留都方駐
蹕沾泥無慮四驄駢

清寧宮

館幽蹟輝古宅洛業思前苞茂如松竹清寧象地天雙
竊排鳳扇上簾耀龍筵乃寢占佳夢

明裡重吉蠲

國朝禮重祭
宮執豕薦醕一遵舊制弗敢廢也

神必於正寢茲旋故

休和

晴旭麗淡蕩惠風旋惕若承

堂構丕基永萬年

聞鐘聲

屈曲宮牆上玉蟾譙樓鐘點聽傳嚴吟殘此夕穿松漏
訝似當時響砌籤却看星躔依斗極尚聞人語鬧閭閻

去年詩思重尋得良夜方長篆裊簾

十月朔日宴宗室羣臣於故宮

曠曠海旭麗銀鋪宴擬橫汾湛露濡舞馬不須誇紫燕
煎沉常自裊金鳧有椒共慶如茲盛無酒何妨謂我沽
更喜皇州頌歲朔小陽春律正昭蘇

恭奉

皇太后迴鑾車駕發盛京得詩四首

金烏占在尾玉律變初寒別緒留興慶歸輿奉

大安卿雲常五色王氣鎮三韓更值登場候崇墉夾道
看

西賓今作主東主却成賓去去燕京路依依沛里人地
靈常毓瑞風伯已清塵會復如唐后武功詠再巡

荏苒翠華移祥風左右吹千官陪警蹕萬姓仰威儀御
道如弦直名山入畫竒

二陵佳氣繞步馬動留思

歷歷度康莊熙熙麗小陽因憐時序改始覺客途長惜

集賢堂
卷十八
別人心切懷歸馬足忙皇都言至日亞歲納千祥

雪中過永安橋

明裡應時修征轡凌晨發豹尾去沛里龍鑣指京闕
滕六欲效靈元真正司節初飄瀝瀝霰旋零綏綏雪
途景已堪適憑輿趣尤別瓊瑤入眺吟川原供攬結
不殊書室中推窓玩清絕行行過永安鏡影含光潔
平林久禿兀乍喜千葩纈曠觀既詆蕩逸興復鬱勃
洒然銀色界
彷彿盧溝月

前題再詠

伊喔聲寒茅店雞石橋東畔瀋城西素凝遙嶂皆成畫
翠剩孤松最合題三白叶心方喜慰

二陵迴首重低迷道存儘教行行止未惜瑤田碎馬蹄
撥火謠

羶屋清宵初雪後硯蟾冰結松風吼景物慟慄入吟評
徘徊却縮裁詩手地爐楫拙撥溫磨白灰紅炭堪為友
何必龍團石鼎烹無須篆裏金猊口楞嚴暖觸非全句

懶殘半芋真消受春和一室解嚴威恍似宮梅馥文牖
却憶林林扈蹕人均得如茲禦寒否

反白樂天放言句

周公恐懼流言日王莽謙恭未篡時即使當時身便死
一生真偽有人知

積素

迷離晃旭欲生煙得得驕驄傲錦韉不道雪餘度遼野
却如日暖歷藍田

萬峰屏展皆巖碧
千林花纈全皴白
恍似羅天會玉真
瓊瑤踏遍虬龍迹

逶迤周道傍
村莊玉砌銀鋪
十里強贏得
輕輿吟素景
漫愁風冷切
征裳

養息牧閱馬

垆場亘瀋野
芻牧接遠瀆
養息良駒盛
調閑衆圍分
三千突駉
牝五色耀
卿雲驟似波
鋪地看如錦
叠紋無邪
思古訓斯作
喜今羣敢忘
驅馳際用茲
佐六軍

渡句驪河

句驪舊遼水千載帶遼陽古客曾何在今人引興長
葦餘敗質汀嶼何蒼茫飲練雙長虹橫卧水中央幾個
無心鷗衝波任翱翔戰勳尋堞壘世態驚滄桑惟此東
流水今古無閒忙積素漫兩岸流澌聲琅琅誰能呼舴
艚捕彼鯉與魴近樹銀為飾遠山玉作裝憑輿愁峭寒
披裘且徬徨常時禁體詩苦吟讀書堂奚如眺攬餘萬

景箇中藏

冬夜閒吟

良夜漸添長斗杓亦旋北
旌門笳吹奏大野人聲息
歸轡辭瀋陽乘輿指京國
擅廬坐閒窓可愛新月色
差無塵念縈微覺輕寒逼
關山巡閱多歷歷皆堪憶
揚鸞和鈴中玉律忽已易
悠悠今古人赴此駒過隙
百年詎云久寸陰實可惜
際茲清宵佳况對寒蟾
碧金鴨已結篆銀檠半
折聖却似去冬夜梅香
遙宣席所志嗟無成所
學曾何得惟餘此初心
時時自兢惕

雪中柳

生稜似憶早春時
一例風吹不展眉
莫道韶華難買得
試看窵地是銀絲

度遼水

鏡影照龍旃

橋山展謁旋寧同
貞觀后擬揭為開邊

御製詩初集卷十八

欽定四庫全書

集部

御製詩初集卷二十九

臣永瑤恭校

侍讀臣孫球覆勘

總校官原任中允臣王燕緒

校對官學正臣李巖

謄錄監生臣于希賾

欽定四庫全書

御製詩初集卷十九

古今體八十四首 全亥八

回程漫賦二首

一千五百里十月初冬時呵凍人驚冷思歸馬覺遲行

程遙莫慮

程遙乃日近

宿頓近頻移

頓移則到速

詎是從羣願東

山舊有詩

初來嫌路遠謂是馬蹄忙歸去怨程近誰憐駝鼻瘍

駝牽

行真以人情堪體驗物理動參商始識無為貴行將論達
莊

廣寧道中

困鹿高堆富有秋村農稍為展眉頭小陽春旭烘華阜
長女風光獵綵旂素積鱗塍真勝玉青含麥壠正如油
何當幽里連京洛三白酬予望歲眸

惜菊

已過重九節始賞重九花幾多別離興獨對碧江霞倚

籬思陶潛落帽非孟嘉方謂傲霜質勝彼豔春華驅車
辭城闕揚袂揮風沙契濶惜寒芳簪之膽餅斜丰韻凌
輕輿引我逸趣賒同雲幕遠天一夜飛銀砂金英忽就
萎無復裳裳萼隕黃學桑柘垂白同蒹葭苑枯本如是
何必興咨嗟試看千年松亦復成枯槎

暮陰

西崦雲興隱暮春漸看膚寸勢方濃沾泥縱自愁羣隸
釀雪應知慰老農乍似去年冬日興

去冬有望雲
思雪意之作

却教

此地靜宵逢漫思宮漏穿松度報夜金吾畫鼓驚

途次對雪漫興口號六首

方欣農父占年際復慮王臣于役時獨凭玉輿觀玉蕊
一憂一喜有誰知

天低四野同雲黑乍放羲輪澹無色却憶常年對雪吟
此時此景何曾得

輿窗尺五玻瓈瑩四面銀巒入好觀擬欲褰簾玩山色
猶虞靴塚不勝寒

玉砌村墟暢眺憑輕裘稱體尚凌兢單寒無恠輿臺輩
鬚鬢支離盡結冰

馬背風穿絮似蘆旗亭有酒不堪沽河陽真蹟今重覽
一幅關山雪旅圖

常聞人苦不知足我亦權其輕重間但使有秋均兆麥
縱饒風冷也開顏

過廣寧望醫巫閭山恭依

皇祖聖祖仁皇帝元韻

海旭凝螺黛，罡風削玉蓉。靈竒經覽乍。

聖蹟躡尋重，過客羣停轡。仙人迥矗峰。

是山有仙人巖桃花洞聖水盆

北鎮廟諸竒勝

徒思山側逕，未撫寺前松。萬古為幽鎮，千秋溯

舜封崇功，標地紀秩祀。偶天宗，截薛疑，騫鳳巉，峘突連。
龍盈眸，欣積素，步馬遲，婁胸。

翫初月

晚晴天宇濶，哉魄生西嶽。寒光經雪後，淙淙增皎潔。瓊
室紙窗明，坐對殊清絕。地爐獸炭紅，玉檠燄花結。良宵

即漸長疎影尤堪悅

閭陽驛望十三山

當前誰展十三屏古縣荒涼考奉陵

出金史

百載堠臺烽

火息山青雲白自層層

哈密進瓜至敬遣誠親王和親王賚供

二陵感而有賦

碧玉嘉實當冬熟珀色瓊瓢甘且馥花門勞面不敢私
厥包纍纍盛筠麓山中匹馬豈愁疲年年方物來京師

上供

寢廟頌百辟匪同飛騎求離支翠華今歲詣故里

橋山葱鬱近尺咫馳來包貢正鮮腴

陵園敬薦惟時矣因思苴粥蕪蕪艱祇今聲教訖婁蘭

坐享玉食賴

祖澤持盈保泰恒乾乾

大凌河

金根迤邐過初度大凌河戰蹟

當年烈憂懷此日多守成知不易

開創事如何駟牧今銷燧名駒蒸寢訛

大凌河乃當年用武之地今為

牧場矣

錦州道中得詩二首

山村行盡復河干佳景分明緩轡觀
靉靄雲容頻釀雪
迷茫峰態正生寒已欣積素平鋪玉
更望遙空碎剪紈
屈指為期三百六祈年心得幾時寬

風沙礙眼手頻摩憑軾還聽勞者歌
只為關山須閱歷

頓教時序暗經過遼西界是遼東界

錦州廣寧等處皆遼西地統言之則

謂之遼東

急水河歸慢水河

急水河發源五指山南流與慢水河通建州諸水合流為一者

也千古青山愁不染抹雲幾點列青螺

惜白馬

白馬我久乘馴良性已諳於今齒加長不能備六驂四蹄憶龍驤雙耳猶竹筴向我臨風嘶無邊感慨舍

曉日

曉日出扶桑剡苑早能障轉瞬麗中天高臨泰華上

驅馬度原田

驅馬度原田
壠墓何纍纍
北邙與東門
異世皆相似
蕭蕭松栢風
翁仲淒立雨
古墳已犁田
馬鬣新又起
綏綏遊狐狸
蔓蔓滋葛藟
長眠人不寤
萬事東流水
勞勞千載人
都為利名死
榮華將不得
安能還故里
金鑄與寶裝
亦弗能知矣
使其能知時
薰心更何底

小凌河

頽垣敗壘動經過
防禦當年事若何
上將生降中左所

監軍坐擁小凌河

明末各路用兵皆有內監監軍若輩擁強兵以自衛驅殘疾使當戰債事

此率由

一時成敗滄桑易千古興亡感慨多幾許英雄淘

洗盡濤聲依舊送迴波

松山

烽銷堠戍間萬古此松山羽衛經過處頻思創業艱

食哈密瓜有感

雪山葱嶺路途遙邵圃王園未有苗不似名駒求絕域
却如包橘貢中朝

寢門賜食懷當日

玉几追思隔九霄忍把舊詩重自檢

舊集中有賜哈密瓜之作

鐘

聲月色正涼宵

雪後過杏山

峯峒羣峰玉筍攢翠微佳色入憑觀疎林蔽芾迷歸鳥
猶帶當年戰氣寒

聯騫銀鳳自飛來獨峙朝陽霽景開古戍黃蕪嘶馬去
題詩遙寄白雲隈

每逢咏雪興偏豪，况對堯峰積翠高。此日蕭閒供白戰，曩時辛苦憶黃旄。

聞京師於十月初四日得雪喜而有作

六出先時嘉

是月七日方交小雪節

占年喜未涯，同時真是異。

是日

駐蹕廣寧道中離京千有餘里而普

雷三白之瑞誠天恩之浩蕩也千里詎為遐，積素

行行看新寒，旋旋加遙思。上林苑無樹，不生花。

呂翁山

所過連山塔，山皆我

太宗文皇帝用武之地而呂翁山則生擒洪承疇處也
蓋有明末季驟加遼餉至八百餘萬竭天下之力
奉東北一隅未收片甲之用而兵食兩誣人民離
畔我

太祖高皇帝一舉薩爾滸而遼左之業成

太宗文皇帝再舉呂翁山而關西之勢定今因叩謁

祖陵親履其地思經營草昧之艱難爰恭紀其事以示

來許俾念

祖宗得天下之不易益勵守成之志亦以舉其殷鑒明
之鹿亡其必有所以失之故也

連山相接塔山峰溝濠壁塹凡幾重以守則固以戰勝
將以勇氣吞遼東增募戍卒號百萬重臣經略操鐵券
朝拜恩命暮縲紲舉棋不定曾無算監軍意氣壯且豪
凌駕朝士如兒曹綿山巨海排鐵騎謂當唾手成勲勞
太宗從容處以暇精兵已伏杏山下金支五色雲上蟠
明卒望見魂驚怕奔走禦侮多英賢投石超距衆間間

君臣一德功乃建人心既單必格

天彼志離兮我志合如枯易摧朽易拉不數唐帝美良
川祇今戰氣猶森颯陸血漂杵海屍浮乘潮鴈鷺隨波
鷗一時破竹十三萬傷我十人廝卒儔清流關側擒皇
甫煌煌大業開疆土河山帶礪酬勲庸於鏖雲龍與風
虎乃知

皇天惟德親

桓桓謨烈告後人從來守成事不易殷鑒應思鹿失秦

交則為秦塞則否九重宴安豈宜恃不見呂翁山畔上
將降猶設椒漿奠忠鬼

寧遠道中作

朝暎晃文軒峰色卷平楚行行破冷烟溪村復山墅湯
池尚溫滑首山亦嶮嵒城中梵刹影豐碑何林樹摩抄
認蝌蚪往蹟猶堪觀勝國此雄鎮建牙開幕府借彼梵
王力保此遠西土民怨曾不知佞佛嗟何補

姜女祠

山海關外數里姜女祠在焉祠前土邱為姜女墳
望夫石在其側俗傳姜女為杞梁妻始皇時因哭
其夫而崩長城今山西潞安直隸古北口並此處
皆有姜女祠攷杞梁之事見於左傳孟子非始皇
時人可知即列女傳載有崩城之說亦無長城實
據也然其節義有可尚者故題以詩並識其梗概
焉

淒風秃樹吼斜陽尚作悲聲吊國殤千古無心誇節義

一身有死為綱常由來此日稱姜女盡道當年哭杞梁
長見秉彛公懿好訛傳是處也何妨

山海關恭依

皇祖聖祖仁皇帝元韻

取豫嚴扃鑰思蒙拓海邊耕桑三輔接形勝兩京連羽
衛初冬度期門曉漏傳

橋山瞻此日

龍步想當年列燾餘晴雪遙林散曙烟迎眸渾似畫撫

序正為權事異九封谷心期舟濟川拳拳思在德

大訓更昭然

在德誠非易臨風更慨
皇祖詩句也

登澄海樓望海之作

輾轉金軒展祀旋偶臨傑閣眺翕溱漫言此後難為水
試望當前不辨天秦帝闕存終失鹿漢皇舟阻未成仙
擬徵坎部留吟句只恐雕龍讓廣川

古松謠

古松嶽嶽如高軒下臨陡澗盤其根大椿八千誰則見

散木故壽理或然龍葱疑有丁甲護特立豈共義娥奔
液實堪充不死藥老質故應短萬年倥傯遺堯堯不食
掉頭長笑無仙緣同時食者三百歲至今安在惟堯存

再題澄海樓壁

我有一勺水瀉為東滄溟無今亦無古不減亦不盈臘
雪難為白秋旻差共青百川歸茹納習坎惟心亨却咲
祖龍癡鞭石求蓬瀛誰能忘天倪與汝共濯清

澄海樓聯句

乾隆八年十月十六日自盛京歲事還京道入榆
關登澄海樓望海雪霽千峰波明萬頃天容海色
洵屬竒觀時張照梁詩正侍從因與聯句凡字畫
涉水部者概不用仿歐陽脩咏雪禁體也

御製康回昔憑怒使地東南傾太始本無始

常盈是不盈雙丸出其裏元氣鼓為營島嶼藐拳

石
臣張照

御製軒樓敞繡甍龍窻疑貝闕彷彿見瑤京鞭石橋終斷

嗑烟市乍更星槎何處轉鼇柱若為擎邈矣端倪

豁

臣梁
詩正

御製雄哉氣象崢嶸禹功思四載秦業剩孤城萬壑朝宗此

纖珠茹納并由來無寸土亘古只空明直上到天

險

臣張
照

御製橫陳據地振目迷光晶浩耳駭聲砰轟精衛填難盡

長虹駕可成三壺遠縈帶重嶽銷飛鯨賦羨木華

博

臣梁
詩正

御製吟推玉局英平鋪歷劫雪喜遇初冬晴望歎曾聞若

來遊誰逐靖內光含煜煜陰火涼熒熒絕域隨風

達

臣張照

御製方諸應月呈坎重不失信天一乃居貞比樂韶觀止

如山聖景行空傳香象踏謬執窄蟲評有以謙能

受

臣梁詩正

御製虛將白自生苞乾恢度量吐日煥晶瑩永奠寰區宴

仙鄉底問程

夷齊廟

盧龍孤竹城夷齊廟在焉史稱夷齊恥食周粟餓死首陽詩云采苓采苓首陽之巔疏謂在河南蒲坂而莊子則曰首陽山在岐山西北曹大家云在隴西元和郡國志謂首陽山在河南偃師說文又謂在遼西則是首陽凡五各有証據而其為夷齊餓死之處則一也將孰之從惟遼史所載營州隣海軍下刺史本商孤竹國今之盧龍即遼營州地

也爾雅所舉孤竹北戶注謂孤竹在北周時幅員不廣其以此處為極北固宜然則說文所謂首陽山在遼西者此為近之殆以詩在唐風而叩馬而諫當武王伐紂之時由是岐隴蒲偃皆附會其說耳夫夷齊清風在天下何處非首陽豈爭疆域乎冕旒而墨胎以祀者尤非其志因係以詩而考其說如此

軒冕泥塗是本腸肯容儒雅污冠裳薇苓依舊西山岵

頑懦羞登夫子堂，只為心慙踪異武。敢將口實罪歸湯，豈爭隴右還蒲左。天下清風盡首陽。

題近稿

帳殿朝吟復暮研，肯將玩愒度芳年。行程百日五千里，消得衡陽紙數篇。

渡灤河

清蹕轉辰旂，霜華畫罕浮。初冬迴帝里，千古此灤州。攬景目難給，題詩興輒留。偏涼汀畔水，待我再憑流。

偏涼汀為

灤州佳勝碑題甚夥適因
回程少暇未得遊歷云

曉過玉田縣

朱鳥藏輪際涼蟾弄影時
疎星尚窅亮曙色已晞熙
野

水明寒渡村烟盪曉炊藍田非
此地種玉復伊誰

搜神記載

有羊公篤孝葬父母無終山山高無水作義漿於山下
有人就飲遺以石子一升使於有石處種之徐氏者有
女羊公往求之徐氏索白璧一雙為奠羊公至種玉
處得白璧五雙徐氏大驚妻以女焉玉田名縣以此

過賢渠莊望盤山

馬上看山色猶記登臨美
他年視今朝何以異乎此

將至京作

曠曠晴旭麗華旗展謁迴鑾奉

聖慈樂奏上回多喜意禮將長至肅親祠
田逢秋有酬
農苦人覺途遙嫌馬遲三月徂東異三載
孔嘉新舊乃
如之

恭奉

皇太后祇謁盛京

祖陵禮成迴鑾途次紀事用平聲韻

予宅維

皇乃眷東

二陵佳氣日龍蔥靈長世次更

昭穆

太室蒸嘗愾優同

襟帶山河百二重始基王業此為宗厚如長白千秋奠
博似滄溟萬物容

珠軒環繞混同江

隸旗插貂採珠者謂之珠軒此外乃使犬使鹿諸部聲教朝鮮

文物邦見說漢皇誇力並齊民割盡只從厖

正是秋霖作勢時巧雲捲盡雨千絲

七月八日啟行已告廟矣乃自

初三日霖雨不止將改禡行而初七日忽爾開霽至今
經月總遇晴和士卒免泥淖之苦孰非天恩浩蕩

耶黍華稻秀郊原潤都喜金風次第吹

途經塞北草初肥好試今秋第一圍日暮旌門觀獻獲

龍垆雁磧澹烟霏

檀屋紗窗四面疏山容卷畫正秋初題詩何必芭蕉綠

楓葉通紅亦可書

攸飛警蹕萬人趨御路
驟驥汗血駒敬仰
列朝遺烈在于田
猶識舊規模

曉景霜華點嫩萸
青山落月欲沈西
白廬醅熟傾渾脫
翠釜酥香糝杏泥

親扶

慈輦寸心諧視膳
長承

色笑佳諸部名王
將婦子呼嵩道左
覲

思齋

木葉峰邊江水迴陪京人望六龍來降原陟嶽

高皇始寶籙千秋自此開

昇平詎敢忘艱辛肇造維清受

命新指點松山咨史氏同驚

文祖果天人

松山乃太宗文皇帝破明洪承疇三十萬軍之處也

高山天作古來聞度室遷居事亦紛欲問當時遺老盡

百年休養富耕耘

聖祖三臨鄣上村如弦馳道至今存金魚鑰啟雙龍闕

鐵嶺山看萬馬屯

翠華琴麗隱鳴鑿故國人爭夾道看歌想大風千載調

恩施時雨萬民歡

至盛京肆赦頒恩一遵
皇祖之制弗敢違也

質明祇肅謁

橋山不禁沈瀾涕淚潛草昧幾多勞

締造坐教清宴御瀛寰

侍臣珥筆屬車邊賡和詩郵詠有年不是汾陰求錫羨

無須舍諷賦甘泉

緬想

戎衣烽燧銷金甌萬禩九瀛朝折衝赳赳嫖姚霍指示
堂堂主吏蕭

憑弔英賢仰

泰交椒漿親酌奠荒郊蓋臣念祖心應切佐我推車彙
拔茅

父老歡言執豕牢肯教此日新恩膏鳳凰樓畔魏魏閣
猶有當年車甲發

賓客追陪諸部多行行
霓彩照遼河雲門曲奏催銀管
寶勒鈴懸過紫駝

漢廷豐沛不須誇中外而今共一家
潘水乍看金寫月
燕臺旋歷玉為花

崇政清寧儼

御床曾孫累葉仰

重光萬燈土壁猶餘儉開創艱難刻敢忘

自昔周詩詠鎬京
臯門重見拂龍旌
誰云東主西賓別

歸故鄉來弗送迎

澄海樓高據地靈
凭欄縱目俯滄溟
大欽島與秋雲並
只剩如螺一點青

樂府曾聞奏上陵
南陽鼎業此龍興
日臨黃道晶陽麗
風動金鑿玉宇澄

禮成迴輦愜來遊
山海逶迤玉露浮
稂穗多遺秋麥綠
吟鞭輒為一停留

九重宮殿宴居深
詎悉民間疾苦心
百日周行五千里

蒼宮對越倍生欽

長途羽騎久驂驪牧圉疇量易再三

是役恐途長馬疲
因命扈駕官兵皆

三易其騎闕外榭林全綠隕關中楓葉始紅酣

行宮閒揭却寒簾老菊經霜紫玉纖一路詩題天賜與
白雲蒼岫口重占

許多行色染征衫望輦都人喜氣咸周覽山川識天險
皇圖固豈恃峻函

冬至齋宮疊舊韻

金翼南飛綫畧長驂驪六御趁歸忙

詣盛京叩謁祖陵以冬至將近

風駕而歸將陳

寅祀虔心璧又領齋居戒意香小徃大來堪體驗民情
物理入籌量八年政教曾何補負宸常懷媿答陽

冬至日有事於

南郊敬成近體六韻

堧垣瞻

昊宇暗藹接青壇陽德將生律

天心欲換寒繩前殷薦舉撫已寸誠單量幣絲維潔欽
柴焰未殘緹灰潛覺動雲物更詳看顧諟承

明命為君信是難

冬至次日

皇太后宮行禮

雙鳳啟金閭騰歡慶履長恰當七日復是月初七日冬至願奉

萬年觴合殿祥風轉敷天澍景翔陽和遍寰海

慈壽與無疆

尹會一孝其母而母亦賢年七十餘會一告請終
養詩以賜之

聆母多方訓于家無間言庠風誠所勵百行此為尊名
壽輝比里孝慈萃一門猶聞行縣日每問幾平反

明窓

冬日誠衰日三餘樂歲餘宴溫浮碧網遲麗度朱疏把
卷忘言處舍毫得句初太康古有戒俯仰惜居諸

冬日瀛臺

方蓬何必隔塵喧
雲擁紉卿紫鳳垣
傍圃珠懸新蕾笑
垂崖玉溜凍澌痕
陽迴晷綫依然永
人靜風簾自解掀
肯以羲娥資玩愒
還將消息驗貞元

冬夕集詩牌

風簾漾鼎雲一榻
瓊馨滿逸情耽臘
茗笑任冬日短合
匝畫屏張遊屨侵
尋嬾蕭館涉年除
青燈照室煖

題重華宮舊書室

何曾寂寞仲舒帷
依舊明窗受暖曦
閒却七絃調雁柱

汲來六一煮銀絲三餘樂有陳編伴幾暇權無奏牘披
彷彿當年吟破臘挾箴搦管恰移時

臘月二十一日立春擬春帖子

臘鼓擬擬奏雅寅不須人日始成人

盧仝人日立春詩
今朝方始覺成人

金屏玉帖迎青令甲子中元第一春

銅渾欽驗八風調喜綻宮梅白玉條更進詞臣春帖子
筆花飛處摠含韶

圓蓋推遷信有靈璇杓德晷已移星今年詩卷增顏色

兩度紅箋咏始青

除夕

送故與迎新東皇轉化鈞良宵堪惜惜淑氣始礚礚歲
裏餘三鼓春歸已一旬流年何以餞思居倍增寅

御製詩初集卷十九